



息齋集

申



山東提學僉憲劉君何實暨安人高氏金氏合
葬墓誌銘



皇清康熙三年夏五月山東提學按察司僉事劉君何
實卒于官越明年冬歸葬於淮安郡城之南郊余往
而哭之其仲弟芳譽季弟芳澤率其幼孤鄰以狀來
請余銘其墓嗟乎余何忍銘何實也始余有季女慎
擇配得何實於京邸知其文能爲古處知其人卓然
思自立遂以字焉及余女于歸後卽隨何實官京邸

息齋集 卷六
余女竟以產殞。荏苒十餘年。何實之視余。猶余女之
至今未亡。情誼纏綿。不啻十餘年如一日也。而何實
又忽奄逝。嗟乎。余何忍不銘何實也。按狀。劉氏世居
淮上。爲著姓。其先世多碩德。代有偉人。科甲蟬聯。自
其王父以及何實。父子祖孫。相繼成名。進士聲聞赫
奕。江淮間。何實爲方伯任先公長子。諱芳聲。何實其
字。號山逋。別號未來僧。生而穎異。美丰儀。稍長。嗜學
能文。名藉甚。一時先達。早已器重之。謂劉氏子非凡。

兒比也。弱冠補博士弟子員。時方伯公司牧潼川。理
懷慶。何實定省偕焉。凡所至處。必紀其山川風土人
物。以考究地勢之險易。民俗之囂淳。與夫名勝往蹟。
不禁留連感歎。見諸紀咏。歲甲申。南北間阻。任先公
方官恒山。日夜號泣。思所以探二親者。乃奮身不顧。
携二老僕。爲丐裝。匍伏于荒榛斷垣。白骨青燐者。二
十餘日。瀕死數四。卒獲骨肉完聚。省覲無恙。人人嗟
異。咸以爲孝思之感云。乙丑。試北闈。由國學生。魁戴

經已丑舉進士庚寅授刑部主事未數月方伯公卒于里舍徒跣奔訃抵里日哀毀骨立痛不欲生又慮遺母夫人憂茹悲飲泣勉奉晨昏曲盡孝養讀禮之餘葺先世鉢池別業課兩弟讀書其中以兄而兼師今仲季二君行成名立見重鄉閭者兄之教居多也析所遺產皆均予仲季不足則以已所置產益之其孝友篤摯視貲產悉身外物爲今人所難能者有如此服闋補前職奉

簡命畿北審決時草昧初闢犯法者衆未免崇尚文網獄多寃滯君殫心平反多所全活尤慮

朝廷矜恤之仁不能徧及海內特疏請蘇理刑獄其略曰據畿北各府解到重囚全冊京詳在案者止有五起餘係督撫按批行候決順永保河四府共計不下二三百起蓋以未經京詳例不與審錄及備查全招係順治元二三年者極多彼時當初創事鮮定例州縣印官半係委署代庖以故招詞中游移參錯情罪

多有未協。卽如臣等昨日公審靳家新一起。不過據隣里公舉內一欸。指稱姦故叔之妻王氏。而問官不加詳察。竟擬重辟。及再四研訊。其叔靳廷篆現在口供。伊妻于崇禎年間物故。而公舉在順治二年。無論事出影響。抑且非本人告首。時雖經部議。乃止。憑原奏覆核。不料其誣枉至此也。頃已同撫臣具題。想荷睿慈洞鑒矣。以此推之。天下之沉抑冤滯。幽囚獄底者。不知凡幾。臣部雖力期明允。亦安從察核。俾明罰敕。

法之中仰副

皇上解網泣罪之深仁哉。伏乞

勅下法司。卅十年來重囚積案。作何清理。務期無縱無枉。盡破積習。並祈嚴飭。後來問刑各衙門。凡遇擬定重案。酌定期限。期通行京詳。倘有沉閣不奏者。許臣部查違。限遠近直行。叅究。庶幾情真者。偷生無路。冤抑者。伸雪有期。于以彰國法而沛

皇恩。亦深裨治道之一端也。疏聞。奉有據奏。畿北各府

重犯獄情未經京詳竟至二三百起多係元二年舊案招詞參錯情罪未協以致沉滯獄底無由申理承問各官好生可惡着察議具奏以後各督撫及問刑衙門一應獄情文卷未結的務作速審明不得延緩重滋冤獄如再有久不奏詳的察來處治之

旨于是特遣恤刑諸臣分讞天下君首在選中既已

陛辭因便道省母偶先其曹一日行會有忌君才者借端沮抑鑄一級改任閑曹君無幾微不平之色每語

人曰吾先人職刑曹兼攝數司用法平恕為時倚重吾以簡刑紹先績一官足惜乎嗣陟計部權關九江時關務廢弛積弊滋生又值海氛初靖賈舶不前君釐剔陋規清察破冒商旅雲集國課用舒及事竣報滿道經里門囊橐蕭然蓋毫釐不以自私故商民便之後視篆浙江司時兩浙紳士誤名逋糧案內者殆幾千人為之覆核伸雪賴以解免壬寅冬視學山左毅然以興起斯文為已任時案牘盈几多係諸生欠

息齋集 卷六
糧事前此因

新令嚴切槩置除名君日取前案親加質詢諸生環向
泣訴以遭時不辰田宇荒蕪饑寒死徙十室而九安
敢抗負與上官忤設有家產可貨妻子可鬻亦皆久
已完公保旦夕命矣君不覺哭失聲因長跪督撫力
求保全更申飭郡縣以愛養士子之道毋輕以一紙
文書擲人畢世功名又諭諸學校勗以忠孝禮義俾
相勸勉急公諸生無不頂頌心折癸卯錄遺才廣收

精拔一矢公明務免遺珠之歎是榜售者竟居其半
文譽爲之益彰後校士東昌時當文制初更敦尚實
學一字一句必細加校讐不輟丙夜因積勞成疾猶
扶病武試事竣病劇遂至不起卒于公署遠近諸生
聞之奔走號泣如痛私親至設位以奠歛錢以祭闔
郡紳衿復追思愛慕不已列其善狀以請于督撫監
司暨郡邑大夫學博士遂崇祀名宦嗟乎此亦可以
卜其服官之素已居官而德于其民獲祀于其地不

息齋集 卷六
易得也。爲學使者而德于其士。獲祀于其地。尤不易得也。先是九江竣事。嘗布服芒鞋。探匡廬奇勝。經月忘返。輿隸覓官無從得。山中人傳爲佳話。居家唯杜門。卻掃不問戶外事。時而焚香默坐。時而滌硯揮酒。偶客有相對愜意者。雖終日無倦容。否卽達官貴人。欲一望見不可得。雅志一緇一鉢。向山巔水涯投老而終焉。故有未來僧之號。此其夙根所植使然也。而竟不獲一遂其志。嗚呼傷哉。君爲文不徇流俗。偉然

自樹一家詩法。中盛書法。亦雋潔可愛。有鉢池集。尚未彙梓行世。惜宦遊未久。弗克展其大業。然一爲司寇。郎則平反。有聲積陰德。無算一爲學使者。則能服齊魯多士之心。而爲之畫像立祠。永光俎豆。視宦成一世而泯泯無聞。卒之與草木同腐者。不大逕庭哉。嗚呼。君享年雖未永。而立身居官。炳炳烺烺。若此。是亦足以不朽也。已。君生於萬曆庚申年十一月十二日。卒于康熙甲辰年五月初八日。享年四十有五。元

配高氏。生自望族。勤儉恭敬。闔德著聞。卒能以組紉
佐讀相夫子。早登賢書。生于庚申年十月十一日。卒
于順治戊子年五月十三日。享年二十有九。繼配金
氏。卽余女也。余宦遊楚豫。留侍嫡母朝夕。克諧親志。
及于歸後。柔順敬共。甚得姑嫜歡心。隨夫子宮京邸。
聿彰賢勞。惜乎其厄于算也。生于巳巳年四月十六
日。卒于順治七年七月十二日。享年二十有五。又繼
娶張氏。前隆慶辛未。鼎元諱元忭公孫女子。一鄮聘

順治己丑進士。兵部武選司員外郎黃公諱宜泰次
女。係張出女。六長適孝廉高公諱士登孫。邑庠生祖
從。次適順治壬辰進士。戶部郎中周公諱龍甲長子
邑庠生。惕。係高出。次字順治己丑進士。陝西道御史
何公諱丞都長子。次字甲戌進士。吉安府知府
葛公諱維垣長孫。次俱幼。係張出。今以康熙四
年十一月二十六日。葬於郡城南郊之楊家莊。兩安
人。附焉。銘曰。

淮有名族○劉氏是彰○哲人代生○衍胤發祥○三世魏科○何實繼後○維我何實○終孝且友○乃官秋曹○伸冤拔滯○奏請蘇理○

皇帝曰○可仁慈徧施○克紹先績○怡然受毀○遑恤鑄級○轉擢計部○權稅九江○釐奸除弊○惠顧旅商○註誤連糧○慎加覆核○浙人曰嘻○微公曷白○視學東海○斯文用興○憐才悼士○赫赫著聲○胡天不畀○竟卒于官○俎豆百世○徵德之全○惟君盛年○自號曰僧○暨君之歿○卒無牽擣○歐

陽平允○篤生文忠○仁人有後○百祿宜鍾○淮城之南○松栢蒼蒼○我銘其實○千載弗央○

黃母朱宜人墓誌銘

順治八年辛卯春刑部員外郎黃君自起奉

詔使浙東事竣還以復道省二親承懽未幾遂丁母宜人艱哀痛躃踊終七之喪念

君命在身不敢以讀禮故委諸草莽仍竭蹶趨

朝告成事而後居憂因具述宜人狀告金子求爲之誌其墓而系以銘以宜人王母余族姑也凡宜人之可誌者皆余所悉也余其何能辭焉宜人爲覃封刑部

員外郎介石黃公元配姓朱氏世居茗溪稱望族曾
王父萬曆庚辰進士刑部郎中雪峰公父文學右雪
公王母金氏母沈氏皆出名閥介石公母亦係沈氏
嘗往還母家見宜人賦性溫醇慎容止寡言笑年未
及笄莊謹如成人若得爲黃門婦他日必賴之光大
其家遂謀字介石公比及于歸事雙白之翁若姑曲
盡色養飲食起居須宜人乃安介石公昆仲六人祖
遺不甚饒析之爲六產益薄宜人勤約自持每脫簪

珥躬蠶織以佐介石公之拮据經營力恢世業介石
公性坦率遇外侮能置勿較輒弭怨隙下至臧獲有
不當意未嘗寬假然不事訶責皆宜人左右調護與
有力焉先是舊址湫隘與兩伯氏同居繼新堂構仍
與叔氏並爨盤飧餽遺有無相共先後四十年間伯
叔妯娌始終內外無間言族戚有窘乏孤苦者必多
方周濟卽傾橐中裝贍之勿靳有兩兄早歿子皆幼
見必涕泣嗚咽撫而教之不異已出黃君自七歲就

外傳以及長而能文好交游凡師友酒脯之供宜人
願指取辦罔有弗給顧自奉則食糲衣敝泊如也通
釋氏書擘畫家政之暇常焚香持誦不羨紛郁及黃
君成進士除比部宜人誠曰兒筮仕西曹司天下刑
獄于公平反門閭克大能以寬恕居心慈祥讞獄我
無憂矣兒謹識之黃君佩服慈訓一如歐陽永叔承
其母告以治官書之言于是聲赫西曹行將列清華
首選而宜人以中年勞勩得痰症日久漸劇卒以是

革遂貽黃君以罔極之深痛也嗚呼惜哉然則宜人
少以女德見重于其姑繼以婦道克相其夫以大厥
黃氏之家聲終以母道教子有成爲名法曹而周旋
于妯娌族黨之間情誼洽摯以及下御臧獲輩慈恕
有體悉協古賢淑之內則是皆宜人者可誌而傳者
也宜人有子三長卽自起巳丑進士刑部員外郎娶
沈氏二尹雲湖公孫女繼周氏封廣東嶺西道右叅
議雲卿公女次自泰縣學生娶申氏乙未進士思夔

公孫女次自觀府學生娶沈氏文學仲葆公女女一
適丙子舉人沈雲陽公孫洪祚縣學生孫男三長元
瓚自起子聘庚戌進士河南按察司副使仲庚吳公
子太學生封工部虞衡司主事載穎公孫女次元璿
元瑜自泰出俱未聘宜人生于萬曆甲午年二月十
一日卒于順治辛卯年七月十三日享年五十有八
今擬卜葬于吳江縣震澤之新阡銘曰
笠澤之南佳氣鬱盤爰旌母賢奕奕彤編既昌其後

何○必○上○壽○既○永○其○名○歿○也○猶○生○

叙次質實不用不可識之字順理成文宜有金石
之壽○荆川先生于諸家墓志有變有貫知貫字
義方許讀此等文百史先生評

誌女德字字確據無溢詞至總結處如層雲叠巘
極文章之妙北海先生評

公保釐之績我吳其寧可一日舍公哉不意歲前十
 秋絕不知有差吏之追呼與科條之繁密以是思
 姓如在慈母衽席之中當此軍需孔亟徵繕不遑之
 困者毅然以身肩之而勞怨罔辭兩年來我吳億萬
 區畫無隱不恤無弊不除凡可以上佐司農下紓民
 天子命來保釐我江南右土甫下車于國計民瘼殫心
 康熙二年歲次癸卯夏四月三韓壽民佟公奉
 封大中大夫大叅佟繼亭先生墓誌銘

封大中大夫大叅佟繼亭先生墓誌銘

康熙二年歲次癸卯夏四月三韓壽民佟公奉

天子命來保釐我江南右土甫下車于國計民瘼殫心

區畫無隱不恤無弊不除凡可以上佐司農下紓民

困者毅然以身肩之而勞怨罔辭兩年來我吳億萬

姓如在慈母衽席之中當此軍需孔亟徵繕不遑之

秋絕不知有差吏之追呼與科條之繁密以是思佟

公保釐之績我吳其寧可一日舍公哉不意歲前十

二月十七日忽太封翁繼亭先生之訃至。佟公性至孝，不勝躃踊哀痛。吳民戴公之德，亦不禁痛公之痛。且謂太翁誕有體國恤民造福無疆之賢胤，若此正宜食報未艾，何以遽聞此音也。其信然耶？其傳之非其真耶？乃今而竟信然也。何我儕小人之不幸，抑至是也。一日佟公親譜行狀屬余為銘，余屬公知愛最深，目擊公治行最悉，因而代公抱痛亦最甚。其奚忍以不文辭按狀先生佟姓諱號繼亭先世遠自

晉魏流系綿長，世籍撫順為海內族姓冠。逮明宣德年間徙居寧遠，代著武功文德不能縷指。累傳而至先生，性倜儻不群，自幼折節讀書，每遇古忠孝節義可傳可法之事，輒感慨欷歔激昂起舞，以為士誦法聖賢宜表表有所樹立于門蔭，韜鈴意泊如也。偕配劉淑人，事大父維齋公，太母李孺人，服勞奉養以孫兼子。維齋公享年九十有三，李孺人享年八十有八，左右承歡，凡幾歷春秋，逮于考終，曾無倦色。事父贈

大○叅○西○河○公○暨○母○林○淑○人○一○如○其○事○大○父○母○高○堂○四○
老○孝○養○靡○間○既○而○林○淑○人○疾○革○撫○寧○西○河○公○亦○相○繼○
捐○館○拮○据○兩○喪○于○流○離○瑣○尾○之○際○含○禭○衣○棺○情○禮○咸○
備○履○變○如○常○事○亡○如○存○于○養○生○送○死○之○道○蓋○毫○髮○無○
有○遺○憾○焉○先○生○生○丈○夫○子○六○人○鳳○毛○麟○趾○性○均○不○凡○
先○生○視○性○所○近○董○之○肄○業○文○武○兩○途○各○隨○自○致○居○恒○
惟○取○向○所○讀○書○史○中○忠○孝○節○義○其○人○其○事○之○可○傳○可○
法○者○爲○之○講○說○勗○勉○期○于○爲○臣○必○盡○忠○爲○子○必○盡○孝○

卓○然○能○有○樹○立○乃○可○會○王○氣○東○來○師○旅○雲○起○三○韓○首○
中○兵○燹○險○阻○艱○難○先○生○真○備○嘗○之○然○天○相○吉○人○瀕○危○
獲○安○深○有○得○乎○遵○時○養○晦○之○道○也○錦○州○之○役○先○生○長○
子○建○年○慨○然○身○殉○枹○鼓○雖○義○烈○性○成○皆○先○生○義○方○之○
訓○讀○書○明○道○理○卒○能○臨○事○不○避○難○一○舉○而○忠○孝○兩○得○
逮

皇清御錄名藩出鎮漢中先生次子嵩年兆年並以材
武從行建有勛伐或積歲月一詣京省視先生輒諄

切告誡以丈夫有事橐鞬累功疆圉稱
國之能臣卽爲家之令子慎毋以家顧爲于是二子益
奮發出則爲名藩前驅入則爲

天子侍從將來樹駿流鴻其正未可量也已

世祖章皇帝親政崇儒右文簡勲胄弟子之俊秀者泣
之學宮許以制科起家今右藩公彭年房山令有年
皆績學能文起應棘圍右藩公遂登辛卯賢書副壬
辰會榜比房山令以數奇暫屈先生謂曰功名遲速

有時汝曹惟矢心報國養成大器毋以倖成而夸毋
以晚就而隳斯吾志也右藩公初筮仕爲高唐州牧
迎養先生于署邸訓勉諄諄公受教惟謹遂爲賢刺
史最冠三齊時朱奉常嵩若疏公名應

詔擢爲大郡恒山守恒山三輔要區夙號盤錯卽以才
能自負者至輒棘手先生仍就養郡邸復砥礪公爲
良二千石公受教一如高唐州凡夫裕田賦備軍儲
疏滯獄釐奸弊振起學校勤恤民隱追捕逋逃肅清

奸宄無不批卻導窾百廢具興暮年政成化洽

天子嘉焉錫之寵章封先生如其官乃先生不自喜獨

愴然語公曰汝祖父母竭蹶一生雖享遐齡曾未獲

微一命之榮三釜之養予獨何心能晏然而被此章

服也汝異日若能為大父母馳封則予心始慳真不

失為孝子慈孫矣汝其勉之哉先生之事父母盡孝

固存歿一致也巳亥夏六月右藩公方膺備兵肅州

之

命尋以從兄延年撫肅迴避及改武德候璽書戒行間

劉淑人于七月初六日忽爾僊逝享年七十有七先

生念白首齊眉一旦鸞分鏡拆悲不自勝其于夫婦

之義老而愈篤若此右藩公服闋叅政齊晉先生以

位彌高則責彌重繩督有加能聲益著旋以

覃恩榮及三代果愜先生之心而後喜可知也右藩公

晉秩蜀臬又以避姪蜀撫鳳彩改中州先生以臬憲

專司刑獄人命至重須念歿者不可復生斷者不可

復續當如于公之治獄積陰德以昌子孫右藩公受
教復如前于疑獄滯訟多所平反其陰德之無量皆
先生有以種之也癸卯夏四月先生偕來藩署中復
鯁鯁焉慮江南財賦甲天下而右藩所轄江鎮蘇松
常尤甲江南夙夜叮嚀旣以考成嚴切是凜又以民
力困乏爲慮藩公受教益加謹愆于出納條目絲棼
蝟襍能推析毫髮使吏不得因緣爲奸而施于民者
則又寬大簡易賢哉藩公乃其賢蓋有自也公歷任

凡六遷先生每任必偕積十有三年如一日無日或
離卽無日不以報

國澤民爲戒勉孝如藩公其能不以報

國澤民盡子職而娛親心哉是以所在捐俸軫恤清理

監倉收埋齒路于京口建渡生船活飄溺多命種種
仁心惠政凡以仰承先生之志也先生在藩署中遙
念房山令筮仕伊始又急欲趨而成之甲辰春三月
遂允房令之請戒程離蘇右藩公跽留弗克比至縣

署則署中已構精舍額曰娛綵軒以承先生之歡先生仍以勸勉藩公者勸勉令君惠愛有聲不意十一月二十六日先生竟以疾革也嗚呼先生素強健年八十有三行不待杖坐不倚几屹如壯夫胡天不吊遽掩德星遠近聞者無不歎悼咨嗟匪獨我吳爲然也然則先生教子以武則武能危身授命而義烈炳然教子以文則文能學道愛人而賢良茂著有能文能武之諸子若此先生其真可以不朽已爲之銘曰

天挺鉅公忠孝是崇以身作則其儀不忒孫而兼子罔替終始義方所主揆文奮武武績孔彰文德未央家多象賢邦國賴焉尸祝遍地淵源有自源遠流長彌熾彌昌金石可磋令聞不磨

勅封孺人侯氏墓誌銘

晉陵秦太史留僊於余有一日之雅氣誼篤甚將以
康熙四年乙巳嘉平月葬其母侯孺人于唐山灣之
新阡而以以新先生手疏行畧偕伊弟仲叔季三人
踵門來請銘余讀先生之言曰吾妻姓侯氏侯之先
世多名德又世顯貴太僕卿少芝公諱先春爲孺人
王大父戶部主事澹泉公諱鼎鉉爲孺人父母安人
華氏于萬曆丁巳二月二十五日生孺人年十八來

歸生四子長松齡以大宗出繼先兄文林公後次松
期松喬松如女四而殤者三以順治庚子八月內
單恩疏請移封本生母徼

俞旨封孺人嗟乎吾欲稍述孺人之生平悲不能自止
吾垂老矣而不能與孺人偕老四子皆成立矣女嫁
矣不能見其盡皆成立見其嫁嗟乎吾至今而益悲
也孺人之未歸吾也祖母王太君親教之太君少而
守節教子及孫成進士兩受旌于朝通國稱侯節母

云于諸孫中絕愛孺人謂其類已及于歸後先君子
初捐館舍時吾方熒熒在疚便任家事內釁外患沓
至紛起孺人柔婉性成一味以鎮靜佐我且時時爲
之解慰曰是何足慮在我所以自處何如耳卒之潛
消嘿奪孺人之力居多歲辛巳不戒于火先君子柩
尚處堂中火及于雷先母號泣欲以身殉孺人衝入
烈燄中率先童僕手自扶擗僅得免比吾以掃先大
夫墓在外非孺人則禍有不忍言者先母恒多病孺

人藥餌必親飲食必親靡有後時先母性嚴重意有
不可或竟日無笑語孺人側行却立若無所容必待
意解而後卽安凡奉事先母者幾三十年未嘗見其
過失孺人亡而先母日夜悲泣迨屬續之夕猶呼孺
人不置嗟乎此可以觀孺人也已其事吾甚敬家無
巨細經理靡遺然必向吾取進止未嘗專決客至命
酒必腆以旨甚至躬親庖湏必當吾意乃喜吾每多
外侮內父澹泉公實終身覆翼之而孺人未嘗有幾

微德色凡若此者皆人情所甚難其于諸子雖甚愛
惜有過必加訶責松齡成進士官翰林手書戒之曰
勿以年少驕人年少易爲人重亦易爲人輕汝思爲
人所重者哉又曰勿念我汝能勤職業答

君恩卽所以報我也其明于大義如此持身持家一以
勤儉爲法躬親織紉晚寢早作閨闈之內規程井井
二十餘年如一日性樸素首不飾珠璣身不御紈縠
親戚族黨之困乏者歲時必厚卹之又設糜施樁以

濟貧且死者日若不足孺人平生無大病祇因秉家
勞瘁髮蚤白飲食減少復以齡兒在宦邸恐不諳世
故常以爲憂戊戌松齡假歸歡聚一年自謂精神漸
旺不意庚子秋松齡北上不越一月遂病病遂不起
嗟乎孺人有四子松齡旣之官松期復就試金陵永
訣時僅兩幼子在側耳嗟乎傷哉吾垂老矣四子皆
成立矣女嫁矣而孰使吾無憂無病以至于老使四
子一女得以皆成立得以嫁者乎此吾之于孺人至

今而益不勝其悲也余讀先生之言如此不禁擊節
歎曰有是哉孺人之內行純備抑至此也其著有女
德也則甚愛于其節母之王太君以爲類已其著有
婦道也則移其孝于王太君者孝事姑嫜三十年如
一日以致太孺人屬纊之夕猶追思連呼不置其著
有妻道也則相夫子秉家督值內構外誼之際一味
佐以和柔鎮靜而勞絲就緒家卒以寧其著有母道
也則撫育四子一女皆克成立長子官翰林手書戒

勉諄諄以讀書稱職報

君

恩為言教諸子亦必引繩切墨不稍寬假至其孝能格天不惜焦頭爛額手擗翁柩于烈燄之中俾祝融為之退舍先靈得以晏然此尤其賢能之大較著者也若夫儉足以維風勤足以樹範禮毋稍缺于親朋敬毋稍戾于夫子惠必遍周于族黨施必首及于饑寒甚而掩骼埋胔澤逮枯骨在他人為閭則之卓然而驚為罕見者于孺人直細行耳嗚呼賢哉秦孺人

也明理達義沉幾遠識雖學士大夫有所弗如也余何能悉書書先生之言如左其亦可以傳之不朽也已為之銘曰

女德婦道純備無二令妻母師今古誰比宜其壽也四十有四宜其福也綸綍初賜天可問耶似盈而息不可問耶其後正熾蔚蔚高原坤儀佳地煌煌管彤光昭睹記金石銷兮名永賁歲月遷兮人彌企

大猷淵淵兮公以命兮各不黃黃日烈兮人勝金

不白則惟其為王加海諸尚氣舉於此豈獨於洪

自○自○其○而○出○錄○存○西○天○日○所○照○燦○燦○如○日○

○公○之○德○如○日○之○光○○公○之○德○如○日○之○光○

○公○之○德○如○日○之○光○○公○之○德○如○日○之○光○

○公○之○德○如○日○之○光○○公○之○德○如○日○之○光○

○公○之○德○如○日○之○光○○公○之○德○如○日○之○光○

光祿大夫太子太保弘文院大學士蒼忱呂公

墓誌銘

康熙六年歲在丁未二月朔故太子太保弘文院大學士蒼忱呂公歸葬於常州府武進縣繆賢壩之新阡其子恩蔭生方洪等敘公生平懿實來乞余銘其墓嗟乎呂公自登第以後出入中秘者六載晉登揆席者一年與余後先同官寅恭交勵惟余最知公惟公亦最愛余惜公先以病去于時

思齋集 卷六
朝廷眷公甚厚。中外咸倚重公。謂公年方強仕。旦晚病且愈。當膺

命還朝。一竟匡勳太平之業。孰意夙疾糾纏。卒至不起。嗟乎。余何忍爲公銘。然余與公旣相知久。且厚且濫。職舊史氏。于大臣宰相名言嘉行。並宜得書。余又何敢不銘公也。謹按狀。公姓呂氏。諱宮。字長音。號蒼忱。別號金門。爲常州武進縣人。其先世自漢尚書霸。累傳至宋。如文穆。文清。皆以賢宰相著。嗣後不乏名臣。

具載史冊。不勝書。至洪武永樂間。遷居郡城。又六傳。至公大父遂南公。諱應徵。好脩積行。多隱德。公考。勅贈脩撰。待贈光祿大夫翼之。公諱程雲。學富才高。賚志未酬。公妣

勅贈太宜人待贈一品太夫人諸氏。婦道母儀。則儆里。鄭發祥厥有其自矣。公童年穎異。目數行下。遂成誦。不忘甫四齡。考早世。從大父授書。不離膝前。常以方名書記粘示。隅壁。每夜繞隅燃燭示之。公輒神會。是

時公方零仃孤苦，而大父喜甚，以爲是必能大吾門也。迨就外傳，卽好讀書，八歲屬文，有能名。公母教養嚴，丙夜督課，親績紡以伴之。公痛念孀母，望子殷切，力學之志彌堅，斷齧焚膏，刻自勉勵，性冲淡，無所好。與人藹若春風，坦無城府，而持身方正，不愧屋漏。嘗于某氏館中夜讀，有鄰家少孀，忽乘月而至，公毅然峻拒，不稍動心。次日復令侍婢持雙玉魚來贈，公卽碎其玉而厲聲責之，婢慚而退。然未嘗與人言其事。

及後課子，因訓曰：讀書人積陰德爲上。我曾遇某事

云

然終不洩其姓名，少時不利童子試，年二十七

始補博士弟子，請于母氏以居。諸易邁，顯親無期，不得不離家習靜，以圖一當。遂至金陵，遠公菴閉關攻苦者三年，至癸酉試南闈，時漏下四鼓，僅完六義，覺神思困倦，睡魔來牽，忽有人撫其背曰：如何不作文，遂驚寤，見巨人昂立，倏失所在。時天已將曙，捷書而出，是年登賢書，受知于楚中徐中濤先生，主考闈中。

蔣八公先生評牘云一縱一橫論者莫當得眉山之神理蓋公沉酣古學尤篤好大蘇爲文奔騰激射宛轉迴旋不可方物故評卷云既而困公車者一十五年研精苦思益發憤揣摩至甲申乙酉間尤加刻勵無間酷暑嚴寒宵旦不輟甚而繼以泣且泣且讀卽懸針刺股不是過也迨

皇清啓運丁亥應春官試初成三義殊不愜意午過卽束卷欲出鄰號勸阻復靜坐構思一揮而就淋漓滿

志恍有神助焉及

廷對辰值大雨遺去銅格式同輩爲之惋惜既而濡毫落紙精整異常字或將訛若有掣其肘者輒得改正自鄉會迄奏對累著奇兆具詳公勸戒士子文中不可謂非陰德之驗也

賜擢第一授翰林秘書院脩撰邀

聖恩知遇時人榮之而公退然如未遇時出入承明謹誌有加鄉邑中曾不知有鼎魁也歲辛卯恭遇

世祖章皇帝臨朝親政公奉

命頒詔江南乘傳錦歸畧無德色意里人益加重焉壬辰舉春官試公與分考所鑑拔房卷醇正爾雅時有廬陵較士之譽是歲遷右春坊右中允時

世祖章皇帝特召館員親試君子懷德論請建常平倉疏條對上呈獨公當

上意隨奉

傳諭云翰林官陞轉舊例論資俸兼論才品朕思果有

才品出衆者何必拘舊例右春坊右中允仍管秘書院脩撰事呂宮文章簡明氣度嫻雅朕所親見着遇學士負缺卽與推補以示破格用人之意遂超陞學士不半載晉右少宰公益勵冰檠

帝眷彌隆歲癸巳冬特進弘文院大學士甲午春二月余亦由中銓濫厠公後獲與公晨夕周旋公以文章氣度受知

天子參預國是言無不當議無不行凡所以上裨

宗社下福蒼生者惟公協贊之力居多用是

天子嘉焉萬幾之暇時召入大內發古今書畫命公題贊又命遍題內宮額聯公乘機納牖因事進規格言莊偶盈列禁中誠得大臣以道事君之要也公以六年翰撰邀異數驟登揆席一時忌者不無間言公絕不尤人惟翼翼引咎力求罷斥幸賴

天王聖明燎若觀火勉以盡職用息多口然機務殷繁積勞成瘁痰火交作兼患疝氣相攻苦不能支歲甲

午六月具疏請假十四日奉

旨覽卿奏知道了着用心調理稍痊卽出供職隨令

御前大人臨寓慰問繼遣太醫診候屢賜珍藥

親諭火炙可療隆恩篤眷真不啻家人父子至九月未痊復具恭陳謝悃一疏十五日奉

旨覽卿奏知道了着用心調理稍痊卽入值辦事十月有微臣痼疾難愈一疏十七日奉

旨卿用心調治不必求罷十二月有病劇萬難供職一

疏初五日奉

旨卿還安心調理病痊之日照舊供職公既屢疏乞休

未蒙

俞允乃

恩眷逾涯歲乙未正月十日特晉太子太保十八日有

寵命不敢仰承一疏二十日奉

旨晉加新銜特昭眷注卿其祇遵成命不必遜辭時公

病日劇復

命總裁

順治大訓公以疾辭二月有病劇萬難供職一疏

聖意實知公病重勢難勉留十三日奉

旨覽卿奏病難速痊特允所請着以太子太保新銜回

籍調理病痊之日候旨召用仍賜衣服鞍馬還馳驛

去昭朕優眷至意二十日具疏謝

恩二十二日奉

旨覽卿奏謝甚切朕懷須益加調攝務期痊可以慰眷

注公還里甫閱歲，則復益壯，隨處皆賦，至可以慰養。

上念公不置，于丙申年 月，特遣內官王應聘。

御前近臣王有恒，賚二十日具疏。

敕存問，賜羊酒。

敕云：卿受朕深知，早參大政，而能不阿不激，小心匡贊。

一載綸扉，多所裨益。迄今間濶年餘，彌深軫念。卿其

慎起居，為國家愛身，佇需召用。公感念。

厚恩涕泗交頤，恨捐糜莫報。自此杜門，却掃日從事藥。

餌間暇，則訓諸子，勉以忠勤孝弟。嘗曰：功名事不可

強求，當脩天爵，以俟人爵。吾自童子試，以至入相，及

蒙恩賜歸，從未曉于求二字。今世俗囂薄，苟且功名。

將來闡試，必有大禍。爾等當潛心聽命，勿生非分之

冀。及丁西南北闡事，發言若左券。又嘗諭子早完國

課。云：江南官戶多逋欠，將來必有創懲。并以此勸告

親友。不久卒于奏銷。悉如其言。居鄉十載，嫉俗尚之

侈靡，力行恭儉，以身為士民式。居取容膝，食無兼味。

羔羊素絲之節位彌尊而守彌固癸卯歲

世祖章皇帝梓宮入山陵聞余匍匐馳送公力疾偕行時有淺識者從傍竊議公弗顧也比扈從至

陵哀號攀慕余兩人相對痛心悽動班聯從

山陵回公卽嘔血數升以炎暑勞頓病遂增劇旋于五

月初十日偕余辭

朝同歸長途並轡不減夙昔之追隨綸扉時親笑語而余已察公之病勢覺有進無退矣歲甲辰病益甚旬

日著格言數章垂勸世俗刊布流傳四月十八日之夕忽呼諸子云吾欲去矣只受

朝廷厚恩未報奈何北向九叩而瞑曾無一語及家事也嗟乎公四歲而孤奉母氏教黽勉下帷雖名列賢書嘗寄居蕭寺夜分更闌伊唔不絕甚而或繼以泣其劬勞罔極之思纏綿痛切有如此若夫子處孤館拒少孀之乘月窺戶以至碎玉却婢而終身不言其人其心事正直忠厚可以告天地而質衾影有如此

受知心事五直忠學可以告天此而賢余深味其

聖主重其文章氣度超陟揆輔不色喜偶蒙譏于耳食
不色愠其蘊藉沉深學識凝固上足以結

主知而下足以協輿望有如此至其奔赴

山陵號慟慘怛卒至錮疾遄發嘔血增加臨革之言忠
勤出于至性此又蓋臣事君之大節生死無二者矣
余與公交十餘年見其恬靜冲和嘗歆然若不足而
識見明確然諾可否介石不回喜揚人善不面叱人

過下御臧獲亦惟寬恕爲先平生干請之戒甚嚴而
故人寒士有負竒冤莫白者輒不惜冒嫌拯之總之
公律已也介與人也溫事君也忠交友也信嗚呼凡
此皆有合于聖賢之道者公真不可及也已公生于
癸卯年之八月二十四日戌時卒于康熙甲辰年之
四月十八日亥時享年六十有二爲之銘曰
卓哉呂公四歲而孤母教是奉黽勉勤劬沉酣墳典
寒暑弗逾夙興夜寐孝思瞿瞿持躬正直昏暮罔渝

積德于陰爰顯屢符擢天下魁猶寒素如吞春罔
先皇右文器公太儒詞翰寓規警戒盤盂晉陟銓佐翼

贊

廟謨以疾請告妬口椰榆

帝鑒厥誠寵賚有殊

隆恩存問曠典古無公感知遇遑恤瘁瘖癸卯

山陵負疾長驅撫膺一慟捐生是愉大節細行毋有稍

踰德大必壽胡公未孚殆昌于後子孫攸訏毘陵之

陽繆賢之隅我銘公藏千載為模

期。譽。賈。之。剛。非。強。公。難。千。輝。為。對。

吳江沈烈女墓誌銘

烈女沈姓松陵世族裔祖諱法號嗣源父諱樞號中
垣皆邑庠生女生長德門夙嫻閨訓足不踰閭鄰婦
亦罕得見乃鄰園有惡少鄒文宰者因伊父鄒濬與
沈平時識面探知女有姝容陡起淫心于本年九月
二十七日昏黃時候乘女父往鄉母又寤產宰色膽
包天遂踰墻潛入直逼寢室時女猶刺繡熒熒一燈
忽聞門響亟呼有賊宰橫以手淹其口女憤極卽以

架上繡刀自刺喉幾斷矣比家人驚起逐賊宰遑遽
欲遁爲沈僕湯信邀而擒之亟卸衣帽甘立責狀求
釋而宰之居停某于沈爲內戚陽勸陰縱宰遂遁去
及家人還至內房看視則女已血流遍體仆地不起
矣女家猶延醫療治女誓死拒醫至七日而絕時十
月朔五日也嗚呼古來忠臣義士炳耀史冊千載而
下猶令人歎歎憑吊咨嗟慨慕之不能已已者惟是
臨難不苟免毅然一死之爲難耳此在鬚眉丈夫中

百不得一不意于閨淑得之且以利刃截喉者不一
次有求速死不得之苦有必欲死而後快之心視彼
割髮毀容截鼻斃耳爲貞妻節婦女流中所艷稱不
可及者方諸于此篋如矣女死之時已屆冬令先是
兩日大雷電卽日又冰雹雜下玉碎蘭摧慘動天地
有如是哉烈哉女也上足以光

聖朝之風化下可以挽薄俗之淫靡吾邑而有其人其
事焉洵足以傳也已女生于順治七年庚寅九月初

九日卒于康熙五年丙午十月初五日年甫十七許
聘顧氏未嫁將葬于吳縣仙人山祖塋之側尚未卜
期同邑息齋老人向曾備員史職于節烈之事誼得
與聞因據見聞之最真者爲之誌其畧如左而系之
以銘曰

天鍾淑範貞不可犯何物狂且敢闖其廬白璧難玷
青鋒電閃有歿無二綱常攸寄上震天心雷雹陰森
萬口歎嗟遐邇若譁天人協應烈魄瀰亘具區汪汪

芳名洋洋彤管莫罄日升月恒

茂谷羊羊泚營莫辨日氏氏

烈婦陳氏墓誌銘

康熙四年乙巳正月十有一日吳縣塘村坊者袁七
 妻陳氏以節烈死雷轟一郡諸人士爭為詩文詞弔
 輓息齋老人聞而嗟歎不置爰詢其狀而為之誌其
 墓曰余嘗職舊史氏惟史抉幽表微若僻隱寒賤窮
 簷匹婦其節烈幽光足以激揚風俗砥礪貞淫者尤
 宜亟書謹按烈婦姓陳吳縣穹窿山塘村里人生長
 農家稟倩姿性茹貧苦有富人以選筵室請堅辭不

息齋集 卷六 五十一
允年十九歸村之圻者袁七不逮事舅姑每祭享必
竭誠盡孝生一子甫匝歲夫以傭作數出陳攜子獨
居蕭然土室中蓆門不蔽每出入樵汲于山隈水畔
不苟言笑比隣惡少周二伺其出輒調之陳正色拒
者屢矣一日薄暮叩陳門借名乞火將犯焉陳大聲
詬呼乃得脫因趣夫歸具告之故曰必徙居乃可否
則惟有死而已夫曰我貧將安徙汝曷以刀自衛也
婦唯唯識之未幾袁又傭木瀆里陳枕刀備焉歲正

月十一日夜方闌惡潛身啓鍵入婦驚起昏黑中倉
猝披衣半臂未掩卽揮刀斫之中惡左手傷皮肉二
寸餘惡奪刀婦堅持不可奪又傷惡右掌肘惡憤益
乘勢拉陳抵觸久之臂不舉惡遂捉刀還砍陳胷脇
數處遂氣絕復斷其首而出惡亟歸謀諸弟弟見其
血污滿衣倉皇相牽走至安山橋惡忽見紅霧四合
遂迷所之爲邏者所得寘之理烈哉陳也古今來凡
爲人父者未有不願其子爲孝子爲人君者未有不

息齋集 卷六 五十二
願其臣爲忠臣爲人夫者未有不願其妻爲貞婦而
卒之父不能必得之于子君不能必得之於臣夫不
能必得之于妻比比是也不意一巧者竟得之於其
妻而臨難不苟免捐七尺如諾片言慨然以一刀還
報夫命有如此其激昂奮迅義不返顧也嗚呼舉宇
宙間禮義廉耻四大防炳炳烺烺于蓬蓽昏夜之中
昭日月而鏗金石是真可以訓天下之爲人子爲人
臣爲人妻者已其烏容使之湮滅不傳哉烈婦生于

某年 月 日卒于康熙四年正月十一日年二十
五有一週歲子爲其隣張氏所鞠蒙 撫軍韓有雖
死猶生之褒立碑旌獎余是以奮筆誌之而系以銘

銘曰

天○挺○英○烈○不○于○鬚○眉○有○農○家○女○小○星○堅○辭○甘○匹○傭○作○
茹○苦○如○飴○隣○有○狂○且○蕭○門○屢○窺○徒○居○弗○克○佩○刀○自○維○
孤○村○丙○夜○霜○雪○凜○持○倉○猝○發○難○白○刃○星○隨○雖○中○惡○臂○
旋○劑○香○肌○蘭○摧○玉○碎○碧○血○淋○漓○山○谷○震○動○神○鬼○號○悲○

息齋集 卷六 翁銘一
丹心勁節邁絕等夷。巍巍穹窿方之。爲卑縱垂青史。
曷殫其詞。仰觀日月芳名並之。

太學生洞庭翁君約之墓誌銘

余居松陵曹溪里。與洞庭相望。阻具區水。僅四十里。而遙聞東山有約之翁君者。爲人慷慨嗜義。敦尚氣節。鄉里德之。吳郡咸慕重焉。顧余宦跡萍飄。居家日少。未獲與之遊。然竊嚮往其爲人。以孝友立基。以賢豪自勵。非流俗之泛泛悠悠。徒獵虛聲者比。今歲壬寅九月。其長子中翰天游。具行述來請。余銘其墓。曰。今某月某日。將葬吾父於東麓之新阡。敢藉公言垂

不朽。余心儀君者久矣。其何庸辭。謹按狀。翁君諱彥博。字約之。別號青崖。其先爲河南人。曾大父參號春山。負竒氣。明嘉靖時。以布衣却倭有功。詔旌其廬。賜優復。大父諱邁。號少山。善居積。以貲雄江淮齊楚間。父諱啓陽。號見滄。母吳氏。見滄公博學宏儒。承少山之業。能擇人任事。家滋饒。有子四。君其季也。君生而高穎豐儀。倣儻不羣。初就外傳。課一日恒兼程。纔十齡。便通曉大義。見滄公喜不勝。未幾。見滄公捐館。哀

戚如禮。年十三。入太學。補國子生。大司成張公侗初深器重之。旣長。行益修。學業益進。嘗從華亭董文敏公其昌。長洲吳太僕公默。文文肅公震。孟諸君子遊。稱忘年交。於是君聞見日廣。漸磨日深。重然諾。慎行止。有挺然振拔之概。嘗語人曰。余性不耐馬頭塵。但作一太平山中讀書處。士可矣。君因早失怙。傷母孤幃。晨夕不離左右。凡寢餐憂喜。一惟母是視。所以竭孝養者。纖悉畢周。兄光祿君伯寰嘗遇外侮。輒揮金

助之無少靳曰人生惟兄弟耳遑恤其他伯寰歿爲
之撫諸藐孤延師教育經理嫁配一如已出既各克
有成盡以兄所授簿冊歸之井井秩秩無毫髮溷迨
母吳太君病君食不甘味寢不解帶晝夜侍藥餌不
倦及病漸哀毀逾節有言於君以橐多遺蓄宜稍損
哀以理之君喟然曰吾知痛母而已寧顧是耶歲庚
辰大稔粟涌貴山民乏食所在饑窘君創議救荒數
策因告糴淮楚徧贈山中且減價以惠通邑質錢者

咸減其息更興起傭作全活貧窮無筭老弱之不能
傭者設金糜以餉之明季徭役日重爭多方避役有
黠者陰卸君君代肩之不明其詐也乙酉

皇清下江南土寇多竄伏湖中弗靖兩山之惡少依草
附木遙爲聲應君首倡保甲法出錢穀糾集鄉勇請
於郡給捍禦具盜卒散去獲安堵如故先是君之仲
兄亘寰於明末忤梟黨會乘亂梟逃自獄思得仲而
甘心焉人情洶洶君裂背奮臂義不避禍爲之立割

息齋集 卷之六 翁銘四
萬綿用紓家難○翁氏世業清源○其戚屬以貲附清源○
生息者不啻億計○一旦罹兵燹○君之子母錢一空○而○
寄頓營息者○併失其籍○公曰○寧人負我○毋我負人○嘿○
按○其○數○償○之○無○稍○漏○由○是○君○家○自○少○山○公○以○來○三○世○
累○積○以○賦○役○減○什○之○二○以○捍○患○禦○災○減○什○之○三○以○清○
源○之○多○故○減○什○之○四○五○不○啻○居○積○幾○盡○而○君○顧○處○之○
泰○然○嘗○曰○吾○家○以○富○賈○擅○奇○贏○子○孫○嚮○學○者○少○不○知○
立○身○先○乎○行○誼○潤○澤○繫○乎○詩○書○獨○生○計○爲○要○務○哉○故○

君○丈○夫○子○十○人○皆○篤○學○能○文○長○子○天○游○卓○然○早○秀○克○
自○奮○發○以○承○君○志○初○君○存○日○自○擇○山○水○佳○處○卜○築○幽○
宅○得○王○塢○之○陽○時○遊○息○其○間○因○顧○而○樂○之○且○曰○吾○歿○
後○歸○此○庶○幾○如○生○平○時○乎○嗚○呼○余○觀○君○之○生○平○真○可○
謂○體○用○兼○備○希○踪○於○聖○賢○之○域○而○黽○勉○爲○豪○傑○之○士○
者○歟○以○言○乎○其○事○毋○也○則○能○孝○生○竭○力○以○養○死○毀○節○
以○哀○居○喪○之○道○是○先○篋○金○之○遺○勿○問○稱○之○曰○孝○子○無○
忝○也○以○言○乎○其○事○兄○也○則○能○悌○撫○兄○子○如○已○子○遇○兄○

難若已難但知人生惟有兄弟遑恤身外更有長物
稱之曰悌弟無忝也以言乎其志潔而行芳也則視
華○臚○之○榮○爲○不○足○慕○而○願○作○山○中○高○士○耽○泉○石○之○勝
爲○安○樂○窩○而○身○後○魂○魄○欲○依○卽○太○史○公○所○稱○巖○穴○處
士○之○奇○行○蔑○以○加○也○以○言○乎○其○識○能○應○變○而○才○堪○禦
侮○也○則○鼎○沸○雲○擾○之○際○有○排○難○解○紛○之○功○智○困○勇○詘
之○場○有○指○揮○如○意○之○效○卽○古○虞○卿○魯○仲○連○之○流○亞○亦
不○是○過○也○以○言○乎○其○念○切○救○世○而○惠○足○及○人○也○則○經

營○荒○政○能○使○貧○民○無○歲○而○有○歲○代○肩○重○役○能○保○大○戶
無○家○而○有○家○此○又○其○恩○德○之○遍○洽○鄉○里○而○不○啻○家○尸
戶○祝○以○佩○之○者○矣○使○彼○蒼○再○假○君○以○年○乘○時○利○見○大
展○猷○爲○其○所○建○豎○當○必○有○杰○然○可○觀○者○又○豈○止○名○高
鄉○黨○嘖○嘖○爲○輿○人○所○誦○已○哉○謂○之○體○用○兼○備○洵○非○諛
詞○已○然○則○天○之○所○以○厚○植○於○君○者○皆○於○其○後○之○人○也
如○中○翰○之○篤○學○嗜○古○且○具○經○世○才○將○來○出○入○承○明○事
業○正○未○可○量○而○諸○子○森○森○玉○立○日○漸○崢○嶸○君○之○所○以

遺其後者誠有勝於居積萬倍也已君生於萬曆壬寅九月八日卒於順治丙申十二月九日享年五十有五配周氏側室生子十人長天游名燥庠序間次天潮天澍天溥天浩天波天淳天瀚天濬天泓女六人所嫁皆名閥孫男五孫女五墓在金庭王塲之陽以壬寅十月塋爰系之銘銘曰

傳稱多財善賈而君顧以所積賑窶俾萬家賴其資釜知人善任付之計簿以無忝遺於其祖明季

役繁追呼比戶咸卸君以脫所苦君毅然肩之厥維惠甚溥盜興於湖弗能安堵君請於官備戒弓弩事事有備寇銷湖浦別業逶迤蓄藏諸古咸知君之文而不知其武弱歲揮金護兄於侮兄歿保孤克稱善撫終君之心熒熒失怙曰庶其勉旃以無忝我父種德無疆今宜篤斯祐子孫繩繩今黼黻圭組千秋萬載名不磨蔚彼崇岡東山塲

志除于外而姑各不與其辨於東山
亦以文而小故其先德歟
支節流於外之必與大古口其然無
以文而小故其先德歟
惠甚其與盜興於職典
野藥與和此氣氣唯
以親視昔吾幾然鼠
之類

祭岳父端所嚴公文

維天啓三年歲次癸亥九月戊子朔越九日丙申子
壻金某謹以瓣香絮酒撫岳父大人之靈而哭之曰
嗚呼痛哉○翁何人斯○而可以死耶○人生蠛蠓○總歸一
夢○夢有長而功名事業○子女婚嫁○無一不了者○可以
死○夢有短而垂露在手○流雲過眼○百無一了者○亦竟
可以死○乃翁則有了而不了者○若之乎○可以死也○翁
年踰中壽○匪云天矣○然上有八袞之老母○煢煢在堂

顧翁所奉養惟虔。視飲食之進止爲啼笑。覘顏色之
忻悴爲悲歡者。竟勿克大展其孝思而溘焉棄捐。此
翁之不了者一。翁玉樹盈階。行且聯翩。鵲起匪莫傳
矣。顧翁之性資絕世。爲時羽儀。上而經史。下及稗官。
野乘靡所不研。以至揮毫洒翰。咸羨鍾王。再世米蔡。
比肩。乃屈首黌序者三十餘載。未揚眉吐氣。一試其
用。而徒困于時命之連遭。此翁之不了者二。翁之田
園廬舍。壘舊營新。亦既有以蔭後。而紹前矣。顧翁自

弱冠失恃。卽秉家政。大者撐持門戶。里役細者綜核
米鹽。甕盎營營。半生幾于疲精消骨。廢餐忘眠。而尚
有一女未字。一子未婚。如治絲者。緒將半而終止焉。
此翁之不了者三。嗚呼痛哉。翁有此不了之大事三。
而可以死耶。聞訃之日。黃童白叟。以及婦人女子。無
不咨嗟涕洟。號慟欲絕。是豈無因而然也。蓋翁之爲
人。披肝吐膈。無論賢愚。而樂與周旋。賑孤卹寡。匪以
爲俠。而惟義是先。又善解人之爭。息人之鬪。而親戚

里黨咸倚重如魯連况與小子幸忝館甥翁之愛之也如子教之也如嚴師篤友予方未有以報稱萬一而一旦棄予長逝也能禁乎涕漣哉予所恨者翁之疾匪不可療而卒犯知醫不治之一言嗚呼痛哉今日哭翁之日翁誕之日也謂宜偕予婦牽兒抱女捧觴為壽而不意竟以此酒臨翁之几筵予也有衷萬斛有淚千滴而不能起翁于九原之下徒撫膺而問天然予視兩舅決能了翁所不了者翁亦可以無恨

于重泉嗚呼痛哉

祭內兄嚴叔韜文

嗚呼痛哉吾叔韜兄也。兄年止五十七。少于我十有三齡。且稟質素強壯。胡為乎嬰疾甫旬日而館舍遽捐。所生丈夫子五人。女子六人。纔婚其三。嫁其四。尚平之累猶半存。其全又胡為乎脫然永逝。而忽遺少子。幼女孤苦伶仃。致旁觀者目觸心憐。傷哉貧也。雖芝蘭繞砌。幸有先人可讀之遺書。而藐孤嗷嗷。竟無數畝可耕之薄田。將來其奚以供饘粥。支婚嫁而慰

吾兄于九泉嗚呼痛哉吾爲之俯仰歲時追維往事
兄之肝腸興致宛宛盡在目前而愈不禁夫涕泗之
漣漣當我之初爲嚴氏館甥也兄甫七歲嘗偕汝姊
歸寧飲食宴笑周旋不舍一如幼弟之事其長兄覺
愛敬之油然及我叨列仕版每宦遊遠歸兄不艤舟
維揚則必杖策錫山携諸交親具卮酒烹肥鮮殷勤
款曲勞我于水之涯山之巔猶憶歲在癸未時余督
軍昌平日夜驅馳戎馬中兄不辭險阻單騎來視相

與促膝浮觴備極情意之纏綿繼余量移樞貳携手
入都甫度歲而流氛孔熾烽火直逼幽燕我旣執掌
之不暇兄亦歸計之如煎未幾京城難作兄舟適抵
臨清聞信輒撫膺長號度余之必死恨不北遡而言
旋比余劇受賊掠濱死者數四卒愧未能一死以副
兄節義期我之拳拳已而
皇清定鼎復慶余之再生因破涕爲歡恒勸我以朋霞
友煙至順治己丑歲余得請休沐兄逆我于毘陵道

中恍如隔世重逢無日不肩隨而流連乃聚首方浹
歲余又祇畏簡書而星言夙駕從此羈遲宦邸一別
十年此十年中余凡七疏陳情順治己亥秋恩蒙
先皇帝報可兄喜而逆之無錫北關綢繆繾綣尤視昔
有加焉兩人瞻對余固頽然老矣兄少我十三齡亦
龐眉皓首而頓削其顛因歎人生百歲幾何那堪十
年一聚散余是以不忍判兄之袂兄亦懶策我鞭居
亡何余又以王程嚴督仍醜顏小草不意去年秋八

月突罹兄姊之變問疾視殮兄皆代我仔肩比余一
聞訃音顛請歸里兄心傷姊氏之不獲我訣又幸余
之撫棺一慟悲喜交頤一種懇惻至情更難以言宣
嗚呼痛哉兄之鬢雪齒搖似乎較甚于昔而笑語如
故酒酣耳熱豪情逸興如故未嘗見有二豎之爲纏
今年春三月同往曹村看牡丹昆朋滿座兄獨叫呼
痛飲斗酒一吸咸歎謂年少弗如豈料其已將辭世
而長眠嗚呼痛哉兄瓶無粒粟囊無剩錢而客至必

欵欵必豐腆興盡壺傾始放客還遇人有急難爲之
多方排解卽罄典周恤有所弗計此又其慷慨之出
乎性天者也嗚呼痛哉易簣前一日體雖憊而神甚
清猶執余手出所服藥餌相商未嘗以兒女子故囑
累一字得無歸全聞道而斬斷多生來一切恩愛情
緣也乎靈如有知來泣茲筵尚饗

祭亡壻沈階六文

嗚呼痛哉吾壻階六也自古皆有死人孰無死而階
六獨未可以死也未可死而奈何竟以死聞也其夢
耶其果真耶嗚呼痛哉夢且不可而况乎果真耶謂
年方強仕功名未就而終其身掩抑太學竟賚志以
歿爲可痛耶窮達有命不足爲吾壻痛也謂男婚女
嫁大半未畢而一旦中道棄捐徒以琴絲亂緒萃之
未亡人一身爲可痛耶修短有數不足爲吾壻痛也

所○痛○者○上○有○七○十○三○歲○之○萱○堂○堅○守○五○十○餘○年○之○苦○
節○曾○以○婦○兼○子○事○其○翁○若○姑○曾○以○婦○兼○孫○事○其○太○翁○
若○姑○又○曾○以○母○兼○父○教○其○子○又○曾○以○母○兼○祖○教○其○孫○
有○如○此○之○萱○堂○在○上○而○奉○養○未○竟○慈○恩○未○報○其○何○可○
以○死○也○乃○因○愛○子○之○暴○傷○一○慟○欲○絕○遽○罹○不○起○之○疾○
嗚○呼○痛○哉○太○夫○人○曾○代○孫○以○哭○其○太○翁○若○姑○曾○代○子○
以○哭○其○翁○若○姑○今○又○以○母○兼○父○哭○其○子○卽○行○道○之○人○
聞○之○無○不○傷○心○酸○鼻○而○况○爲○吾○之○館○甥○者○三○十○餘○年○

也○其○能○不○撫○今○追○昔○爲○之○嚮○風○而○涕○洟○憑○棺○而○長○號○
也○嗚○呼○痛○哉○憶○余○長○女○之○于○歸○歲○在○辛○未○春○二○月○時○
余○于○是○年○四○月○內○赴○星○沙○備○兵○任○嗣○聞○吾○壻○吾○女○琴○
瑟○甚○諧○使○吾○夫○婦○遠○遊○宦○所○獲○免○內○顧○憂○不○意○甫○及○
暮○年○吾○女○遂○厄○產○難○聞○吾○壻○當○日○之○悲○悼○也○甚○于○吾○
夫○婦○之○聞○訃○摧○肝○然○猶○幸○而○舉○一○子○吾○壻○見○其○子○如○
見○吾○女○因○追○念○吾○女○益○敬○愛○吾○夫○婦○二○人○庶○幾○吾○女○
雖○死○猶○生○也○甥○在○卽○吾○女○在○也○又○不○意○甥○甫○○歲○復○

息齋集
爾歿殤嗚呼痛哉至是而吾女其真正也○已以恒情
處此鸞鏡重新○新螽斯別衍欲情文之纏綿始終勿替
胡可得也○乃吾壻之敬愛吾夫婦也○一如吾女之未
嘗亡○一如吾甥之至今在歲時伏臘惠問必周吉凶
婚喪慶賻罔缺且不惟無忘夙好而綵繡有加更締
新媾○又以繼配凌氏所生女妻吾孫祖彭○卵翼之猶
子焉○吾每出而宦遊則必買舟携樽不遠數百里祖
送每歸故里則必迎勞如前○凡三十年如一日○辛丑

秋八月十三○吾婦嬰疾長逝時吾方滯跡長安○弗獲
親視含殮○中夜刺心聞吾壻躡踊致哀與子無二○嗚
呼痛哉○吾壻階六也○事母極孝○待親族里鄰極厚○與
人接物極誠○下而御臧獲輩極慈○且恕爲人○若此未
應遽死○有苦節之萱堂在上○未可遽死○而今竟死矣
其非夢矣○其果真矣○謂福善之天道何○吾惟有仰天
搥胸而已矣○嗚呼痛哉○雖然吾壻雖未可死而死○然
有丈夫子四人○孫男二人○必能代吾壻盡力于萱堂

也○其○亦○可○以○瞑○目○于○重○泉○也○夫○嗚○呼○尚○饗○以○于○堂○

其○非○德○矣○其○果○德○矣○嗚○呼○尚○饗○以○于○堂○

嗚○呼○尚○饗○以○于○堂○

嗚○呼○尚○饗○以○于○堂○

嗚○呼○尚○饗○以○于○堂○

嗚○呼○尚○饗○以○于○堂○

嗚○呼○尚○饗○以○于○堂○

祭貢士陸水曦文

嗚○呼○哀○哉○從○來○天○道○之○不○可○問○而○人○事○之○不○可○知○者○
莫○如○才○人○弗○獲○以○才○顯○往○往○蘊○其○所○蓄○偕○腐○草○同○痿○
而○善○人○弗○獲○享○有○遐○齡○甚○而○欲○易○簞○牖○下○與○夫○妻○子○
母○一○携○手○面○訣○而○不○可○期○嗚○呼○哀○哉○此○兩○者○皆○人○世○
之○大○可○悲○者○也○天○乎○天○乎○胡○為○萃○我○水○曦○以○言○其○才○
鎔○今○堊○古○能○文○能○詩○藻○思○雲○流○奇○字○泉○湧○彷彿○乎○機○
雲○之○可○追○以○言○其○人○入○孝○出○悌○行○矩○言○規○人○喧○我○寂○

人競我夷族黨目以爲亢宗而朋執欽之爲羽儀戊子秋試已合于主司尺度命之不辰旣收而復遺及辛卯來貢于

廷哀然高等攷之選格當除爲李官顧志期乎兩榜益發憤以下帷少司馬金公聞而賢之俾其子若弟執經問難疑皆響答問必實歸甫旬日主賓師弟相得甚怡胡天不吊陡嬰二豎遂致盧扁却走參苓罔施嗚呼哀哉三千里外白髮萱堂方將聞

廷試之高等而喜又將聞館穀之得地而喜屈指秋闈更擬倚閭望捷而喜詎意喜之忽變爲感也凡在遊從無不涕泣而歔歔况乎寡母弱妻與幼子其能弗腸斷而肝摧嗚呼哀哉才人也宜顯而屯善人也宜壽而促天道耶人事耶胡爲至于水曦而兩不可推雖然事理之難推者自古如斯水曦終日讀易明于憂患之數其亦可以曠然于死別生離嗚呼哀哉尚饗

長句用韻數句用韻此法自退之祭田橫來陸生

愛得此文可以為壽百史先生評主誠器利文楚商

雖然率聖之黠對善自古賦波濤則務其能思則于

清曲對夫戲聖人專取詞益至才水即前中不何能

則問而報難知哀其木人出官其情也

對無不窮其而難辨其

更難奇聞至對而喜其意薄

或為之高善而善又深則

哀京兒文

嗚呼痛哉吾兒京郎也計汝之與吾相依纔兩週八

月有奇耳遽以痘殤嗚呼痛哉汝生而聰慧可入廣

穎疎眉善笑語飲食動履與成人等微獨吾與汝母

愛汝汝兄若姊愛汝即路人見之亦無不愛汝方冀

成長以興我家而今竟殤耶其夢也其信然也嗚呼

痛哉我出則汝問我何往必目送我上馬而後退我

歸則汝問我何來必含笑而牽我衣袂以入及我偃

息齋中涉獵文詞則汝必叩門披幃問我何爲今我
之出也還顧馬前目送者無有也我之歸也注視門
內笑迎者無有也我之退而偃息也側耳披幃叩問
者無有也其信然矣其非夢矣嗚呼痛哉豈愛汝者
多○反○致○汝○之○殤○耶○則○汝○何○不○生○而○醜○劣○愚○駭○令○父○若
母○憎○汝○兄○若○姊○憎○汝○執○途○之○人○無○不○憎○汝○而○少○延○其
生○耶○抑○汝○本○應○長○命○而○誤○爲○庸○醫○所○殺○適○符○內○典○所
云○九○橫○死○之○一○耶○嗚○呼○痛○哉○于○天○乎○何○怨○于○人○乎○何

尤○反○覆○循○省○實○我○之○不○德○有○以○促○汝○之○算○也○痛○哉○痛
哉○自○今○以○往○汝○之○形○勿○復○令○我○記○憶○可○也○汝○之○魂○併
勿○與○我○夢○相○接○可○也○我○旦○晚○倘○得○請○還○里○汝○隨○我○上
祖○先○墳○墓○祖○父○祖○母○在○焉○必○憐○汝○護○汝○汝○其○有○所○依
而○晨○風○暮○雨○可○免○驚○怖○矣○嗚○呼○痛○哉○吾○兒○京○郎○也○時
順治六年己丑二月望日

此豈讓韓子十二郎李子寄寄文耶予殤一子泣
不成聲乃夢先生與我同戚竟有京公子之變兩

人官同心同而傷心事亦同讀此泣下沾衣也

百史先生評

十二羽李字濟齊文淵堂一子成

[Faint bleed-through text from the reverse side of the page]

哭寶兒文

天乎天乎我哭汝京哥纔幾日而今又哭汝乎嗚呼
汝與京哥皆我患難後所生我思汝祖父祖母每形
夢寐而十年不得一上墳墓我思汝三哥世濼好學
能文年甫二十一而歿荏苒五年而我不得一視孤
唁寡我思汝大伯父係我白首長兄少嘗北面師事
之不比尋常手足今歿已三歲而我不得一憑棺慟
哭我思汝嫡母在家絕葷茹素虔修竺典仍力督家

乘課子訓孫亂離之餘驚憂萬端撫汝胞姊大姐如
已○出○蚤○暮○未○嘗○一○刻○相○離○而○我○未○得○一○歸○慰○問○勞○苦
凡○若○此○者○我○之○愁○緒○填○胸○而○猶○強○開○笑○顏○聊○遣○時○日
藉○汝○與○京○哥○在○使○我○破○涕○爲○懽○也○今○一○旦○相○繼○殤○逝
天○乎○天○乎○誰○爲○解○我○愁○緒○乎○汝○年○雖○不○及○週○而○聰○慧
可○人○與○京○哥○等○每○見○我○出○門○則○必○目○送○而○號○及○我○歸
家○則○雙○手○撲○我○懷○中○而○嘻○笑○不○置○嗚○呼○今○何○在○乎○號
者○嘻○者○竟○杳○不○可○得○乎○汝○從○此○朝○饑○誰○乳○暮○寒○誰○衣

乎○抑○汝○與○京○哥○兄○弟○相○依○得○以○無○驚○無○恐○乎○顧○獨○不
念○汝○父○若○母○眼○傍○寂○寥○晨○昏○酸○楚○將○何○以○開○笑○顏○而
遣○時○日○乎○雖○然○誰○實○鞠○育○而○使○汝○至○此○父○母○之○罪○也
汝○何○咎○乎○天○乎○天○乎○時

順治六年巳丑三月朔日

如風雨中與骨肉語生死事悽惻不堪再讀西河
之痛正以一痛傳膝下有此人也又幸矣

百史先

生評

痛兒世滫文

嗚呼痛哉吾兒世滫也吾五十九歲生汝今年七十
有五汝纔一十七歲耳胡爲遽撇吾而逝也雖少者
歿而老者存世間恒有此顛倒可憐之事獨念汝年
雖少而存心仁厚發言循理儼然老成氣格遇尊長
故舊無親疎必加敬愛念貧窮孤寡卽乞丐亦生矜
憫下而御左右童僕縱不如意亦未嘗訶詈督責卽
兄弟子姪尋常笑語間亦從無輕浮刻薄之一字宜

乎非歿者相也。胡爲其竟歿也。嗚呼痛哉。汝于九月二日從我上天。目山猶奮足登臨。顧視楓葉。快未曾有。于初六日冒寒發熱。遂抱病還家。延醫調治。已于九月念二日能飯。我心喜甚。因于念七日出門往鄉掃墓。不意汝于念七夜寒熱交作。家人云宜亟追我回。汝正色止之云。追必艾驚。且祭掃大典。祖宗賴有子孫者。以此若因我病。請還祖宗。要子孫何用。嗚呼痛哉。此真我孝子慈孫之言也。汝平日敬信三寶。猶

憶汝觀曇花酒菩提等傳奇。卽羨慕其人其事。嗟嘆不置。似于富貴功名了不介意者。病篤時特請施鍊師榻前。譚道凡四晝夜。語語會心。初六早連問何時師漫應以寅時。汝曰我午時要去。頻行盥漱。果屆期卽呼父呼母前連叩稱謝曰我去矣。隨合掌念佛而逝。所謂正念分明捨報安祥者。不是過矣。嗚呼痛哉。此實爲父母者薄德累汝。汝何以謝也。我與汝明歲完婚。後到京授職。將來年日長識。見日進必能無驕。

息齋集
傲○于○人○肯○爲○善○于○里○爲○我○培○養○元○氣○爲○祖○宗○綿○衍○世
澤○而○何○以○竟○付○之○一○夢○也○嗚○呼○痛○哉○我○反○覆○尋○思○畢
竟○是○我○受○親○恩○不○能○報○受

君○恩○不○能○報○受

天○地○佛○祖○之○恩○不○能○報○浪○擲○浮○光○虛○糜○家○食○濫○膺○非○分
之○福○所○致○耳○我○是○以○和○淚○點○墨○聊○述○汝○概○盡○餘○生○自
咎○自○警○而○且○俾○後○之○觀○者○知○汝○之○有○道○氣○無○童○心○實
實○堪○悼○非○我○之○溺○于○舐○犢○而○槩○等○之○爲○老○年○愛○少○子

則○汝○亦○庶○幾○瞑○目○于○重○泉○也○夫

跋

成仁取義之事。類皆至性孤行。故能視死如歸。斷非安排所得也。而論者以慷慨從容。較分難易。夫不慷慨。安能從容。而從容時。又何嘗不慷慨哉。茲二裂者。一則交起倉卒。毅然刎脰。而誓不再生。一則素警

悅○尾○除○光○無○力○而○奮○身○一○死○慷○慨○從○容○西
人○殆○皆○兼○之○矣○

太傅公義切表揚○意存諷勸○各為銘誌○合
梓以行○有旨哉○為沈也○銘所以告天下之
為女者也○為陳也○銘所以告天下之○為婦
者也○夔讀之而瞿然曰○是且以告天下之

為男子

康熙丁未中元同邑晚學潘爾夔敬題



